


$\times m C - n m \times m C$, seu $LN \times MC + NM \times MC$ & $LN \times m C - NM \times m C$: & harum differentia $LN \times Mm - NM \times MC + mC$ est vis particularum ambarum simul sumptarum ad terram rotandam. Hujus differentiae pars affirmativa $LN \times Mm$ seu $2 LN \times NX$ est ad particularum duarum ejusdem magnitudinis in A consistentium vim $2 AH \times HC$, ut LXq ad ACq . Et pars negativa $NM \times MC + mC$ seu $2 XT \times CT$ ad particularum earundem in A consistentium vim



2 $AH \times HC$, ut CXq ad ACq . Ac proinde partium differentia, id est, particularum duarum L & I simul sumptarum vis ad terram rotandam est ad vim particularum duarum iisdem æqualium & in loco A consistentium ad terram itidem rotandam, ut $LXq - CXq$ ad ACq . Sed si circuli IK circumferentia IK dividatur in particulas innumerales æquales L , erunt omnes LXq ad totidem IXq ut 1 ad 2 (per lem. 1.) atque ad totidem ACq , ut IXq ad 2 ACq ; & totidem CXq ad totidem ACq ut 2 CXq ad 2 ACq . Quare vires conjunctæ particularum omnium in circuitu circuli IK sunt ad vires conjunctas particularum totidem in loco A , ut $IXq - 2 CXq$ ad 2 ACq : & propterea (per lem. 1.) ad vires conjunctas particularum totidem in circuitu circuli AE , ut $IXq - 2 CXq$ ad ACq .

Jam vero si sphaeræ diameter Pp dividatur in partes innumeras æquales, quibus insistant circuli totidem IK ; materia in perimetro circuli cujusque IK erit ut IXq ; ideoque vis materiæ illius ad ter-

ram

ram rotandam, erit ut IXq in $IXq - 2 CXq$. Et vis materiæ ejusdem, si in circuli AE perimetro consisteret, esset ut IXq in ACq . Et propterea vis particularum omnium materiæ totius, extra globum in perimetris circulorum omnium consistentis, est ad vim particularum totidem in perimetro circuli maximi AE consistentis, ut omnia IXq in $IXq - 2 CXq$ ad totidem IXq in ACq , hoc est, ut omnia $ACq - CXq$ in $ACq - 3 CXq$ ad totidem $ACq - CXq$ in ACq , id est, ut omnia $ACqq - 4 ACq \times CXq + 3 CXqq$ ad totidem $ACqq - ACq \times CXq$, hoc est, ut tota quantitas fluens, cujus fluxio est $ACqq - 4 ACq \times CXq + 3 CXqq$, ad totam quantitatem fluentem, cujus fluxio est $ACqq - ACq \times CXq$; ac proinde per methodum fluxionum, ut $ACqq \times CX - \frac{4}{3} ACq \times CX cub + \frac{1}{3} CXqc$ ad $ACqq \times CX - \frac{1}{3} ACq \times CX cub$, id est, si pro CX scribatur tota Cp vel AC , ut $\tau^{\frac{4}{3}} ACqc$ ad $\frac{2}{3} ACqc$. hoc est, ut duo ad quinque. Q.E.D.

LEMMA III.

*Iisdem positis: dico tertio quod motus terræ totius circum
axem jam ante descriptum, ex motibus particularum omnium
compositus, erit ad motum annuli prædicti circum axem eun-
dem in ratione, quæ componitur ex ratione materiæ in terra
ad materiam in annulo, & ratione trium quadratorum ex ar-
cu quadrantali circuli cujuscunque ad duo quadrata ex diame-
tro; id est, in ratione materiæ ad materiam & numeri 925275
ad numerum 1000000.*

Est enim motus cylindri circum axem suum immotum revolventis ad motum sphaeræ inscriptæ & simul revolventis, ut quælibet quatuor æqualia quadrata ad tres ex circulis sibi inscriptis: & motus cylindri ad motum annuli tenuissimi, sphaeram & cylindrum ad communem eorum contactum ambientis, ut duplum materiæ in cylindro ad triplum materiæ in annulo; & annuli motus iste circum axem cylindri uniformiter continuatus, ad ejusdem motum uniformem circum diametrum propriam, eodem tempore periodico factum, ut circumferentia circuli ad duplum diametri.